

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Dissertatio moralis de religione hominis secundum legem  
naturae**

**Wernher, Johann Balthasar von  
Götz, Johann Heinrich**

**Lipsiae, 1698**

**§. XVII**

**urn:nbn:de:bsz:31-102660**

eius magnitudo & summa perfectio desiderat. Unde, si rem juxta-  
solum naturae lumen exigamus, oratio, quâ erga DEum utimur, non  
levis, aut properata nimis esse debet, sed modesta, & apto ordine.  
cohærens. Coeterum ex Theologia revelata novimus, DEO nihil  
gratius esse, quam miseri peccatoris suspiria interrupta, & veri mo-  
tus cordis, quibuscumque tandem verbis exprimantur; Denique...  
ut Deus non solum secretò, sed & publicè & in aliorum conspectu co-  
latur; idque potissimum propterea: ut alii nostro exemplo ad ho-  
norem DEO exhibendum incitentur; Et si præterea ceremoniae que-  
dam in se indifferentes legibus præcepta fuerint; ex haud negligen-  
da sunt; nec patrius mos contumaciter repudiandus; Cic. d. Div. 1.2.  
c. 33. (7.) Id omnibus viribus agendum, ut, quantum fieri potest,  
conformiter legibus naturalibus vivatur; cum à misericordia & imbecil-  
libus creaturis nihil DEO gratius præstari queat, quam si ejus leges re-  
ligiosè observentur; Atque ita tandem habendum: Cultum DEI es-  
se optimum, eundemque castissimum, atque sanctissimum, ut eum  
semper purâ, integrâ, incorruptâ & mente & voce venereris. Cic. d.  
Nat. Deor. 2. 28.

### §. XVII.

Religionis Naturalis finis primarius, ex intentione DEI est cul-  
tus suus à creatura rationali debitus, secundarius autem socialitatis  
salus. Et in statu qvidem integratis, qui nobis ex solâ Revelatione  
notus, homo per religionem naturalem beatitudinem æternam conse-  
qui potuisset. Nunc autem in statu corruptionis, cùm in seipsum de-  
scendit, atque cognitionis de DEO sibi inexistentis finem scrutatur,  
statim ipsi occurrit socialitatis salus, quam certò & infallibiliter  
per cultum divinum promoveri, evidenter videt; ad aliam autem  
vitam consequendam, eam facere, non liquido cognoscit; sed ta-  
men cùm valde ipsi videatur probabile, & animam humanam ini-  
mortalem esse, & aliam post hanc vitam sperandam, in quâ bonis  
abenè, malis autem male sit futurum; inde Religionis Naturalis ef-  
fectus pædagogicus emergit; quod nimur homo eâ mediante, du-  
ci ad Theologiam revelatam & salutarem debet: uti B. Dn. ALBERTI  
in Compend. f. N. passim graviter & accuratè demonstrat. Interim  
cùm in disciplina J. N. non ad probabilia, sed ad ea, quæ certò &  
evidenter

evidenter ab omnibus gentibus cognoscuntur, attendendum sit; inde non male fecit *Pufendorfius*, quod Religionis Nat. effectum intra hujus vitae sphaeram conclusit; & sic videntur quodammodo conciliari posse, quæ ipse habet d. *Off. Hom. & Civ. L. I. C. IV. §. præcipue* §. cum iis, quæ hæc de re passim Theologi.

### §. XIX.

Necque etiam dici potest, quicquam Religioni Naturali præcipi, quod Theologiae revelatae repugnet. Nec enim est nisi una Veritas; Ultraque Theologia à Veritatis fonte DEO, qui ob summam sapientiam & veritatem de eodem objecto contraria pronunciare non potest. Quamvis illud fatendum sit, hominem, utut Religioni Naturali imbutum, tamen objecta Theologiae revelatae propria non asseqvi, quæ tamen propterea haud negat, sed eorum potius veritatem doceri plenius vehementer cupit. Vid. *Grauer. d. Unic. Verit. & Mus. Introd. P. II. c. II. §. 6. & cap. V. §. 12. B. Baj. Theol. Posit. Proleg. cap. I. §. 9. lit. c.*

### §. XIX.

Religionis autem magna vis in mentes humanas est. Hoc vinculo et colligantur, huic tanquam basi & firmissimo fundamento innititur socialitatis salus, *Omnia prospera eveniunt colentibus Deos, adversa sphenentibus*, Livii, lacteis scriptoris verba sunt; s. 51. 7. *Religio & timor DEI solus est*, qui custodit hominum inter se societatem, inquit *Laetant. de Ira lib. I. c. 12.* Et *Plin. L. 14. Histor. Nat. cap. 19. 1.* Religionem vitam consolare ait. *Cic. in Verr. cap. 59. 2.* Omnes, inquit, religione moventur, & Deos Patrios, quos à Majoribus accepserunt, colendos sibi diligenter & retinendos arbitrantur. Cumulari hinc multa Sapientum dicta possent; sed quid iis opus? Si dubitas, fidem habere verbis; Percurre quoſo hoc universum, aut, si mavis, historiarum annales excute; an unquam aut usquam stetit Respubl. sine aliquā Religionis specie? Sed enim, ut eō clariū appareat, quām insignia ex religione commoda ad societatem humanam perveniant, age, consideremus cum *Pufendorfio d. Off. Hom. & C. L. i. c. IV. §. ult.* hominem quoad duplē statum, naturalem & civilem. In naturali statu dicuntur vivere, qui ad se invicem spectati nec imperantes, nec parentes sunt, neque proinde ipsi in alicujus imperium